

08 JUN 1998

PM LAWAT LAPANGAN TERBANG ANTARABANGSA KL

SEPANG, 8 Jun (Bernama) -- Perdana Menteri Datuk Seri Dr Mahathir Mohamad hari ini melawat Lapangan Terbang Antarabangsa KL (KLIA) di sini yang akan beroperasi sepenuhnya akhir bulan ini.

Dr Mahathir yang diiringi Menteri Pengangkutan Datuk Seri Dr Ling Liong Sik diberi taklimat mengenai persiapan lapangan terbang yang terbesar di Asia Tenggara itu menjelang pembukaan rasminya 27 Jun ini oleh Yang di-Pertuan Agong Tuanku Ja'afar.

KLIA yang bernilai RM9 bilion, terletak di kawasan seluas 10,000 hektar, dan akan mengambil alih peranan sebagai pintu masuk utama ke negara ini daripada Lapangan Terbang Sultan Abdul Aziz Shah di Subang.

Bermula pada hari pembukaannya, KLIA dijangka mampu mengendalikan sehingga 25 juta penumpang setahun dan sehingga 60 juta setahun menjelang tahun 2020.

-- BERNAMA

RAZ NMO